

गरुस्तुतिरूप त्रण लघुकृतिओ

संपा. भँवरलाल नाहटा

कलकत्ता

नोंध : (जेसलमेरस्थित भंडारनी १४मा शतकनी ताडपत्र-पोथीमां संगृहीत केटलीक लघुकृतिओनी नकल, जैन मनीषी पं. श्रीभँवरलाल नाहटा (कलकत्ता) पासे छे. आ कृतिओ अप्रकट छे, अने मुख्यत्वे खरतरगच्छना आचार्यों साथे संबंध धरावे छे. श्रीनाहटाए लखी मोकलेली त्रण विशिष्ट लघुकृतिओ अत्रे प्रस्तुत छे.)

श्रीमोदमन्दिरगणि विरचित

श्रीजिनप्रबोधसूरि-श्रीजिनचंद्रसूरि चन्द्रायणा ॥

वंदहु निम्मलनाणनिहि, जिणपबोहसुमुणीसु ।

लद्धिहि गोयम अवयरिउ, सूरिजिणेसरसीसु ॥१॥ तरेचच्चचच्चा ॥

सीसि जिणिसरसूरिस्स गुणसायरो, लद्धि किरि अवयरिउ गोयमगणहरो ।

सयलपुहविंदविदेण वंदियपओ, नाणनिहि नाणनिहि नाणनिहि वंदहो ॥१॥

सोहइ सायरु चंदु समु, नाणपबोहमुणियउ ।

भवियकुमुयपडिबोहकरु, तिहुयणि जो विक्खाउ ॥२॥ तरेचच्चचच्चा ॥

जोय विक्खाउ गुरु सच्चजणवल्लहो, मंदपुत्राण जंतूण वे दुल्लहो ।

कित्तिजुन्हाइ जो संयलजगु बोहण, चंदसमु चंदसमु चंदसमु सोहण ॥२॥

मेरुसेहरु पुहवि जयउ, जाम मेरुगिरि भारु ।

भवियह भवसंतावहरु, चरणलच्छिउरिहारु ॥३॥ तरेचच्चा तरेचच्चा ॥

हारुउरिचरणलच्छीहि जो छज्जए, पंचबाणस्स बाणेहि तो भिज्जए ।

सूरिजिनचंद भव्वाण भवतमहरो, जयउ गुरु जयउ गुरु जयउ गुरु सेहरो ॥३॥

कामलदेवि सधत्रधर, देवरज अनुमंति ।

जाण पुत्तु जिणचंदगुरु, जाउरुघसमकंतु ॥४॥ तरेचच्चचच्चा तरेचच्चा ॥

कंति पसारउ विहसियकंचणपहो, सुद्धसिद्धांतवक्खाणहयकुप्पहो ॥

उयरि उप्पन्न जसु सुगुरु साइक्कला, धन्न सा धन्न सा धन्न सा कोमला ॥४॥

सायरु खारउ रवि तवइ, चंद कलंकिउ देहु ।

केणि उपमिज्जइ इह सुगुरु, निरुवमगुणगणेहु ॥५॥ तरेचच्चा तरेचच्चा ॥

गेहु निरुवम सह गुणगणह इह सुहगुरु, केण उवमिज्जए भविय कप्पतरु ।
चंद सकलंकुधर तवइ दिवसेसरो, खारुजलु खारुजलु खारुजलु सायरो ॥५॥

॥ इति श्री जिनप्रबोधसूरि-श्रीजिनचंद्रसूरि-चन्द्रायणाकाव्यं समाप्तम् ॥
कृतिरियं मोदमन्दिराणीनाम् ॥



श्री सज्जनश्रावक कृत श्रीजिनेश्वरसूरि कुण्डलिया

चउविह धम्म चलणु जसु धीरह, पंचसमिति तिहुगुपित सरीरह ।
पंचाणणुवय पंच धरंतउ, जिणिसरसूरि तवतेयं फुरंतउ ॥१॥
तवतेय फुरंतउ गयणि जंपिउ, कामकरिहि जु डारणो,
कुंभयल संगम बलतलप्पवि, कोहमयविडारणो ।
सुइ सीहु देसण रविण गज्जइ, भवियबोहसुप्पहे,
जयवंतु जिणिसरसूरि गणहरु, धम्ममगि चउविहे ॥१॥
भंजिउ मोहखंभ जिणि लील्लिण, सकल निविड साय तोडिय मण ।
निज्जिउ कोहु दोसु अड चंडउ, जिणेसरसूरि करि धरि विहि दंडउ ॥२॥
करि धरिवि दंड पयंडु चंडिम, मोह वणु जिणि भग्गओ
हरिगच्छविंझगइंद-मुणिदगणमाहि माणिकदंडओ ।
विहि धम्म सम्म सहाव सीलिण गुडगहि विरउ गंजए
झर्णर्णर्ण झेंझेंकार जिणेसरसूरि कुग्रह भंजए ॥२॥
सील सरोवर पुडइणि मंडिउ, गयहंसि खणु इक्कु न च्छंडिउ ।
जिणेसरसूरि कमलु वर अच्छइ, बहुगुणभरिउ भविउ जणु पिच्छइ ॥३॥
पिच्छि गुणच्छइ छक्कदलवरकम-सुहगुरु भवियणा

X X X X X X X X ।

वरणाण जलपुड इणि सुसंजमि चरणसरकरुसिरे
गणुणुणुणु भमर मुणिद रसु सिद्धंतु तहि सीलस्सरे ॥३॥
छज्जइ कमणुप्पमइ है सुहगर गरुयबुद्धि मज्जाय...यर हर ।
जिणसासणह करइ पब्भावण जिम सुरिंदु सुरिगिरिनिच्छलमणु ॥४॥
मणु करिवि निच्चलु भविय सुहगुरु-वयणि भुवण करवियः

उज्जित सत्तुंजओ सुतारणु थंभणउ रच्चाविया ।
 धर जाव सुरगिरि भुवण ससाय वहइ गंगतरंग ए
 अर्णर्ण मंगलु सूरि जिणेसरसूरि सुहमउप्पम छज्जए ॥४॥
 ॥ इति श्री जिनेश्वरसूरिकुण्डलिया-काव्य; समाप्ता कृतिरियं महं. सज्जन
 श्रावकस्य ॥



महं. सज्जनश्रावक कृत
 श्रीजिनप्रबोधसूरि-नाराचबंधछंद

जु वीरनाह पाय पट्टभत्तिचंगजुगवरो
 जु नवहभेय बंभचेरुत्तिगुत्तु गणहरो ।
 सुहमसामि जंबुसामि चरणकमल महुरयो
 सु सुयणवन्नि जिणपबोहसूरिराउ जुगवरो ॥१॥
 जु सतरभेय संजमस्स पालणो पवत्तए
 जु दसहभेयज इह धम्म नय विचित्तु पालए ।
 पंचसमिति तिन्निगुपति सुद्धसीलसुंदरो
 सु सुयणवन्ने(न्नि) जिणपबोहसूरिराउ जगवरो ॥२॥
 जु गच्छ पवर मुणिहि माहि लीह पामए
 जु गुरुय पंचवयह भारु लीलमत्त धारए ।
 सहसअट्टदसह-सील-अंग जोय धुरंधरो
 सु सुयणवन्नि जिणपबोहसूरिराउ जुगवरो ॥३॥
 जु पठमसेय लेस सेह अंगसोहए
 जु चउकसाय दलिवि दप्पु सुविहि मग्गु जोयए ।
 जु जमिय वाणि भविय नाणि बोहए मुणीसरो
 सु सुयणवन्नि जिणपबोहसूरिराउ जुगवरो ॥४॥
 ॥ इति श्रीजिनप्रबोधसूरिनाराचछंद, समाप्ता कृतिरियं महं० सज्जनश्रावकस्य ॥

